



UNIVERSITÄTS-
BIBLIOTHEK
PADERBORN

Universitätsbibliothek Paderborn

Fasti Mariani

Brunner, Andreas
Pfeffer, Wilhelm

Antverpiæ, [1659 erschienen] 1660

S. Otho Ep. Pomeran. Apost. 2. Iulij.

urn:nbn:de:hbz:466:1-42032

(quippe dulci semper Musicae assueti) tunc tamen terrae cantus probarunt: nec hodie puto facilius aures Marianis praebent, quam MARIAM MARTINAM verbis laudantibus, tunc praesertim, si vox Virgo accedat, quam dicere ausim tam libenter audiunt Angeli, quam nos Angelorum audimus. Ex Hist. Evang.

Sit in singulis Maria anima, ut magnificet Dominum; sit in singulis spiritus Maria, ut exultet in Deo: nam etsi secundum carnem una mater est Christi, secundum fidem tamen omnium fructus est Christus. S. Amb. l. 2. Com. in Luc.

S. OTHO EP. POMERAN. APOST.

2. Iulij.

OTHONEM Pont. Bambergae Sueviae donavit. Praeter Xenodochia, structaque vel reparata templa quamplurima, monasteria aedificavit XXI. Hominum Deo sacratorum aspectu praecipue delectatus, gaudebat his sive sacrificaturis, sive ad mensam accubituris ministrare & fercula osculo condire. In Pomeraniam cum movisset superstitutione expugnaturus, multae illi pugnae fuerunt sed victor, etiam cum vapulareretur, abiit. Tandem manus dedit Regio, postquam Pont. verbis blandis & munusculis captos duos adolescentulos, illi alios, hi alii iterum alios & parentes denique ipsos ad sacra nostra induxerunt. Ita post OTHONEM Apostolos Pomerania pueros habuit, quos, ubi sacro fonte lustrati sunt, a profanorum societate remotissimos voluit, ut neque jam lusus illis communis esset, quorum mores dissimiles esse oportebat. Bambergam redux vitam reliquam egenorum

rum subsidio porrò impendit, magno operæ præfio. Nam vidit nonnemo in altissimo monte (Olympum diceret) ab omni ætatis & sexûs hominibus palatium OTHONI è solidis gemmis adornari. Quid igitur superbia architectos toto orbe conquiris, ut cælum tibi in terris struas, quando obvios hos quotidie habes? Si nescis, cæci sunt, qui arcem rectè designabunt: claudi sunt, qui tam pulchra saxa conveyent; manci debilesque rectè absolvent, & in cælum tam nobile ædificium educunt. Ex, DD. Bamberg. Gretseri.

Dulcis Domini IESU memoria, ô juvenis! sibi semper inhereat in mente tuâ: ut exercitationis tue cursus palma coronam accipiat. Tempus enim instat, in quo strenui præmia, ignavi ignominiam accipiant. S. Ephrem de Exercitatione.

S. LANDFRANCUS EP. 3. Julij.

Nobiles curas LANDFRANCUS Papiæ Italiæ urbe habuit nobiliores nutrices, Musas. Harum in sinu non profanam modò, sed & sanctiorem sapientiam imbibit, ut *Lumè Magister* Theologorum jam tum audiret. Sed poterat hic Magister amplius in fortunæ ludo quid discere. Ecce enim dum Gallias petit, in uno omnes captivæ bonæ artes abducuntur. Tulit ægrè ab initio servitutem tam liberaliter educatus; obstrepentibus puto in vinculis, liberioribus, è novem, Sororibus. At rectius severiores monuere. Et, *nimirum, agebant, hoc tu fortuna didactrum etiam Magister debebas; discipulus sanè hujus, si in captivo liberum errare animum nescias. Si poëta, absolves fabulam: si orator, persuadebis animo deditionem. Iam Philosophus Orbem, etiam in hoc angusti*